

李杜全集

李杜全集

分類補註李太白詩卷之十二

明長洲許自昌元祐甫校

贈
二十五首

贈別舍人弟臺卿之江南

去國客行遠還山秋夢長梧桐落金井一葉飛銀牀

覺罷攬明鏡鬢毛颯已霜良圖委蔓草古貌成枯桑

欲道心下事時人疑夜光因爲洞庭葉飄落之瀟湘

齊賢曰荆州記益陽有金井數百古老傳金人以杖

撞地輒成井晉樂志云後園鑿井銀作牀金瓶素

汲寒漿淮南子一葉落而天下知秋左傳曰是委君

貽於草莽也古詩枯桑知天風鄒陽書曰明月之珠

夜光之璧以暗投人於道隘人無不按劍相盼者
辭洞庭波兮木葉下王贊曰莊子云越之流人去國
旬月庾肩吾詩銀牀落井桐左
傳曰敢不良圖毛詩野有蔓草
令弟經濟士謫居我
何傷潛虬隱尺水著論談興亡客遇王子喬口傳不
死方入洞過天地登真朝玉皇吾將撫爾背揮手遂
翱翔齊賢曰陸機詩揮手如振素毛詩翱翔河上王
贊曰文中子禮樂篇薛公曰是其家傳七世矣
皆有經濟之道謝靈運詩潛虬媚幽姿王僧達詩既
踐終古迹聊訊興亡言王子喬及不死方事見二卷
尚書亭口以傳授劉琨詩揮手長相謝劉玄休詩揮
手從此辭後漢馬衍傳與道翱翔與時變化詩云將
翱翔

醉後贈王歷陽

書禿于兔毫詩裁兩牛腰筆縱起龍虎舞袖拂雲霄
雙歌三胡姬更奏遠清朝舉酒挑朔雪從君不相饒
齊賢曰歷陽和州也王羲之贊雖禿于兔之翰聚無
一毫之筋梁武評書曰字勢如龍跳天門虎臥鳳閣
揚揮書曰是日也拂衣而喜奮袖低昂頓足起舞士
贊曰鮑照詩胡風吹朔雪又曰日月流邁不相饒

贈歷陽褚司馬時此公爲稚子舞故作是詩也

北堂千萬壽侍奉有光輝先同稚子舞更着老萊衣
因爲小兒啼醉倒月下歸人間無此樂此樂世中稀
齊賢曰毛詩焉得謏草言樹之背註背北堂也焉得
謏草種於北堂以忘憂也史記曰楚懷王稚子列士
傳老萊子孝養二親着五色綵衣臥地爲
小兒啼士贊曰范彦龍詩傳端生輝光

對雪醉後贈王歷陽

有身莫犯飛龍鱗
有手莫辨猛虎鬚
君看昔日汝南
市白頭僊人隱
玉壺子猷聞風動
窓竹相邀共醉杯
中綠歷陽何異山
陰時白雪飛花亂
人日君家有酒
我何愁客多樂酣
秉燭遊謝尚自能
鸛鵲舞相如免
脫鸛鵲裘
清晨鼓棹過江去
千里相思明月樓
齊賢曰唐
太宗宴韋挺等謂曰
仲允可擾以馴然
頷有逆鱗
按之者死人君亦有之
卿等犯吾鱗禪闕失
朕其慮危
下哉莊子曰孔子見盜跖
對柳下季曰吾疾走
料虎頭編虎鬚幾不免
虎口哉汝南市老一
賣藥跳入壺中事見前
晉王士子猷嘗寄居空宅中
便令種竹曰何可一日无此君
唐和州歷陽郡治歷陽縣越州會稽

郡治會稽山陰二縣子猷居山陰夜雪初霽月色清
明四望皓然古詩書短苦夜長何不秉燭遊西晉謝
尚能作鸛鵒舞西京樂記相如初還成都以鸛鵒采
市人揚昌貫酒士贊曰易云飛龍在天利見大人
史韓非傳曰夫龍之爲蟲也可擾狎而騎也然其喉
下有逆鱗徑尺人有嬰之則必殺人人主亦有逆鱗
說之者能無嬰人主之逆鱗則幾矣晉書傅咸字長
虞遷御史中丞時汝南王亮輔政專權咸諫曰往從
駕殿下見語卿下識韓非逆鱗之言耶而歛摩天子
逆鱗自知所陳願願觸猛獸之鬚耳所以敢言庶殿
下當識其不勝區區前摩天子逆鱗欲以盡忠今觸
猛獸之鬚非欲爲惡必將以此見怒嵇康傳呂安服
嵇康高致每相思輒千里命駕謝莊月賦隔千里
兮共明月圖經明月樓在江陵郡劉孝綽建顏之推
詩曰屢陪
明月樓

贈宣城宇文太守兼呈崔侍御

宣城

白若白鷺鮮清如清咲蟬受氣有本性不爲外物遷
飲水箕山上食雪首陽顛迴車避朝歌掩口去盜泉
岩堯廣成子倜儻魯仲連卓絕二公外丹心無間然
齊賢曰孟子曰居移氣養移體皆爲遷於物也箕山
在西北京河南府許山所隱伯夷傳云伯夷叔齊義不
食周粟隱於首陽山馬融註首陽山在河東蒲坂華
山之北河曲之中尸子曰孔子過於盜泉渴矣而不
飲惡其名也鄒陽曰邑號朝歌墨子迴車莊子黃帝
聞廣成子在崆峒之上往見之崆峒在梁國虞城東
史記魯仲連齊人好倜儻奇偉之畫策論語禹吾無
間然矣王贊曰景福殿賦岩堯岑立諸葛亮與李平
叔教曰詳思期昔攀六龍飛今作百鍊鉛懷恩欲報
戒明吾丹心

主投佩向北燕彎弓綠弦開蒲月不憚堅閑騎駿馬

獵一射兩虎穿回旋若流光轉背落雙鳬胡虜三嘆

息兼知五兵權鎗鎗突雲將却掩我之妍多逢勦絕

兒先着祖生鞭據鞍空矍鑠壯志竟誰宜

齊賢曰揚子攀龍鱗

附鳳翼易云時乘六龍以御天劉琨詩何意百鍊剛

化為繞指柔選詩投佩出甘泉光武謂徐宣曰卿所

謂欽中錚錚書曰天用勦絕其命晉書劉琨曰常恐

祖生先吾着鞭東漢書馬援破甲上馬據鞍顧盼以

示可用光武笑曰矍鑠哉是翁也王贊曰鮑照詩捐

軀報明主曹玄詩一絕如流光蜀志楊戲贊龔德緒

王義強曰

志壯氣強蹉跎復來歸憂恨坐相煎無風難破浪失

計長江邊危苦惜頽光金波忽三圓時遊敬亭上閑

聽松風眠或弄宛溪月虛舟信洄沿顏公二十萬畫

付酒家錢興發每取之聊向醉中仙過此無一事靜

談秋水篇

齊賢曰左傳季子來歸曹植詩相煎何太急宗慤曰願乘長風破萬里浪漢書樂歌

月穆穆以金波謝朓詩金波麗鵲陶弘景愛聽松風謝靈運詩乘月弄潺湲莊子有虛船來觸舟江

沂洄沿流陶潛傳淵明義熙末徵為著作佐郎不就顏延之留二萬錢與潛替悉送酒家稍就取酒大白

與賀知章李適之崔宗之等為酒八仙故杜甫有飲中八仙歌莊子有秋水篇王贊曰謝叔源詩良遊常

蹉跎蘇武詩生當復來歸任昉詩當與虛舟值謝靈運詩虛舟有超越漢郊祀志曰此一事也又王父履

一事諫

君從九卿來水國有豐年魚鹽滿市井布帛

如雲煙下馬不作威水壺照清川霜眉邑中叟皆美

太守賢時時慰風俗往往出東田竹馬數小兒拜迎

白鹿前含笑問使君日晚可迴旋遂歸池上酌掩抑

清風絃

齊賢曰左傳魚鹽蜃蛤弗加於海又如布帛之有幅魏文帝賜夏侯尚詔曰卿腹心重將

特當任使作威作福殺人活人姚崇作永壺戒郭伋行郅到西河美稷有兒童數百各騎竹馬於道路次迎拜鄭弘傳曰弘爲淮陰太守行春大旱隨車致雨白鹿方道挾轂而行謝朓詩已有池上酌復此風中琴王贊曰顏延年詩水國周地險班固西都賦也市開場貨列隧分紅塵四合烟雲相連晉書劉瓛爲侍御史武庫火尚書郭彭率百人自衛而不救火瓛正色詰之彭怒曰我能截君角也瓛勃然謂彭曰君何敢侍寵作威福天子法冠而欲截角乎古樂府使君從南來五馬立踟躕鮑照詩清如玉壺冰漢酈食其傳時問邑中賢豪楚元王傳天下衆書往往出晉書謝安將桓伊鬚曰使君於此不凡詩云吉甫作頌

穆如曾標橫浮雲下撫謝朓肩樓高碧海出樹古青

清風

蘿懸光祿紫霞杯伊昔忝相傳良圖掃沙漠別夢繞
旌旃富貴日成疎願言杳無緣登龍有直道倚玉阻
芳筵

敢獻繞朝策思同郭泰船何言一水淺似隔九重天

齊賢曰謝朓字玄暉據文選所載嘗爲宣城守故宣城有謝朓樓其遊東田等詩皆宣城作史記匈奴傳臣墳曰沙土曰幕應邵曰沙幕匈奴之南界東漢書李膺以聲名自高士有被其容接者名爲登龍門魏志魏明帝使后弟毛曾與夏侯玄共坐時人謂蒹葭倚玉樹左傳士會歸統朝贈之以策東漢書郭泰字林宗自洛陽歸諸儒途至河上林宗唯與李膺同舟而濟衆賓望之以爲神仙古詩盈盈一水間脉脉不得語王贊曰曾標言其標致之高也古詩上與浮雲齊左思詩夢想騁良圖李陵歌曰經千里度沙漠

古幕漢
字通用
崔生何傲岸縱酒復談玄身為名公子英水

若連連鳴鳳托高梧凌風何翩翩安知慕群客彈劍

拂秋蓮

齊賢曰崔生崔侍御也易屯如連如史記大史公曰平原君翩翩濁世之佳公子王贊曰

縱酒字義出漢書田儼傳師古曰縱放也放意而飲酒南史梁簡文帝博綜群書善談玄理孔融薦禰衡曰淑質貞亮英才卓犖馬融廣成頌棲鳳凰於高梧宿麒麟於西園詩云翩翩者騅

贈宣城趙太守悅

趙得寶符盛山河功業存
二千堂上客出入擁平原

六國揚清風英聲何喧喧

齊賢曰史趙簡子召諸子告之曰吾藏寶符於常山

上先得者賞諸子馳之常山上求無所得毋邱還曰已得符矣簡子曰奏之毋邱曰從常山上臨代代河

取也簡子知毋卹賢以為太子簡子卒毋卹立是為襄子襄子姊為代王夫人襄子乃北登夏臺請代王使人操銅科擊殺之遂興兵平代地至惠文王弟最賢喜賓客至數千人相惠文王及孝成王封於東武城號平原君六國齊楚燕趙韓魏王贊曰晉史義傳序激清風於萬古楊脩答臨淄侯箋流千載之英聲荀子唯唯然不知所非也
通作諠監韵舊作諠今作喧 大賢茂遠業虎竹光

南藩錯落千丈松虬龍盤占根枝下無俗草所植唯

蘭蓀憶在南陽時始承國士恩公為柱下史脫繡歸

田園齊賢曰漢文帝與太守為銅虎符竹使符晉和嶠遷潁川太守更凱見而嘆曰嶠森森如千丈

松雖礫硤多節目施之大厦有棟梁之用左傳松柏之下其草不植沈休文詩太守馥蘭蓀王逸楚辭註

蒸香直名南陽唐鄧州南陽縣史記豫讓曰智伯國

士遇我及老子為周柱下史漢百官表侍御史有

光武詔曰諸將業遠功大西都賦隋侯明月錯落其

間

伊昔簪白筆幽都逐遊蒐持斧冠三軍霜清天北

門差池宰兩邑鶚立重飛翻焚香入蘭臺起草多芳

言夔龍一顧重矯翼凌翔鵷赤縣揚雷聲彊項聞至

尊驚風頽秀木跡屈道彌敦

齊賢曰魏志殿中侍御史簪白筆側階而直上

帝問曰此何官也曰御史簪筆書過幽州范陽郡幽

都縣易曰游蒐為交焉不疑傳暴勝之為直指使者

衣繡衣持斧逐捕盜賊督課郡國左傳何敢差池潘

岳詩驅役宰兩邑蜀志諸葛亮曰妻子鶚立而望歸

王仲宣詩荀非鴻鵠孰能飛翻通典尚書郎入直給

女侍史二人皆選端正妖麗執香爐護衣服賈逵傳

帝敕蘭臺給筆札使作神雀須故事王堂中設視草

臺每草制則具衣冠據臺而坐謝玄暉詩生平一顧

重陽子解嘲曰矯翼厲翮翻史鄒衍曰中國縣曰赤縣神州後世以指輦轂下縣董宣爲洛陽令湖陽公主蒼頭白日殺人宣叱奴下車殺之主訴帝帝召宣令謝主宣不從彊使項之宣兩手據地終不肯俯光武因勅彊項令出李肅遠運命論曰木秀於林風必摧之王贊曰荀子正論曰天子者勢位至尊無敵於天下陸機詩驚飈褰反信王儉撰出牧歷三郡所居猛

諸淵碑曰跡屈朱軒志隆簡館

獸奔遷人同衛鶴謬上懿公軒自笑東郭履側慙狐

白溫閑吟步竹石情義忘朝昏顛顛成醜士風雲何

足論獼猴騎土牛羸馬來雙轅願值義皇景爲人照

覆盆溟海不振蕩何由縱鵬鯤所期玄津白偶儻假

騰騫

齊賢曰猛獸虎也宋均爲九江守虎東渡江左傳衛懿公好鶴鶴有乘軒者東郭先生又作

公車貧困行雪中復有上無下足盡踏地人皆笑之
謝朓詩誰規鼎食盛寧要孤白鮮晏子春秋景公被
狐白之裘坐於堂易繫辭精義入神陸機詩玄冕照
曜士阮籍詩朝為媚少年夕暮成老醜周泰必鍾繇
曰獼猴騎土牛莊子北溟有魚其名曰鯢化而為鵬
魯仲連好倜儻奇偉之畫策王贊曰逸詩無柔鯢賴
陸機詩藹藹風雲會易曰雲從龍風從虎聖人作而
萬物覩東漢書二十八將咸能感會風雲奮其智勇
目御曰義和覆盆見十一卷註十洲記滄海島在北
海中海四面圍繞各五十里外別有圓海繞山謂之
溟海無風而洪波百丈漢武帝內傳西王母曰十洲
並在滄流大海玄津之中水則碧黑俱流波則振蕩
群精漢朱雲傳
好倜儻大節

贈從弟宣州長史昭

淮南望江南千里碧山對我行倦過之半落青天外